


MOSIS CHARAS

MEDICINÆ DOCTORIS

& Regiæ Majestatis Anglicæ Medici-Chymici,

O P E R A

Tribus Tomis distincta:

- I. Pharmacopœa Regia Galenica.
- II. Pharmacopœa Regia Chymica.
- III. } Tractatus de Theriaca
 } 
 } Tractatus de Vipera.

idem esse poterit qui præcedentium.

Pulvis Diatriox Santalon.

℞. *Santali Citrini.*

Albi &

Rubri

Seminis violarum

Rosarum rubrarum exungulata-
rum, āā ʒ ʒ.

Rhapontici

Fiat ex arte Pulvis.

Rasura Eboris

Succi Glycyrrhiza āā. ʒ ij.

Summi Tragacanthi &

Arabsis

Seminum Endivia

Portulaca &

Melonis excorticati āā ʒj.

Methodus.

Me iudice iusta de causa Amylum detractum est cum parte seminum, in maxima parte descriptionum huius Pulveris admifforum, tam quia Amylum hic omnino nihil conducit, quam ad arcendam huius Pulveris corruptionem, ab exuperante copia horum seminum imminentem.

Si quis huius Pulveris intensiorem exoptaverit colorem rubrum, præparationis initium a Santalis ducendo, hæc Aqua rosarum humefiant, diuque sola conterant, irrorationem per intervalla reiterando, quovisque sufficientem rubedinem adepta sint; quæ ubi exsiccata fuerint, alia simplicia addantur, perficiendo Pulverem, per incerniculum sericeum densissimum traiciendum.

Hic Pulvis magnæ est utilitatis in affectibus a debilitate aut mala Iecoris constitutione abortis ad viscerum calorem temperandum, in febribus biliosis excitatum, atque ad absumendos & discutiendos humores in febrium declinatione superstites: Admodum quoque confert in Cardialgia, Ietero & Phthisi: Utiliter in usum venit ad Potiones, Opisthas, Electuaria mollia & solida: Exterius ad Epithemata, Frontalia & Linimenta

Pulvis Pannonicus.

℞. *Boli Armena*

Terra Lemnie āā ʒ i ʒ.

Margaritarum Orientalium

Lapidum Hyacinthorum.

Smaragdorum,

Sapphirorum,

Rubinorum, &

Tom. I.

Coralli Rubri &

Albi preparatorum,

Radicum Tormentilla,

Doronici,

Dictamni albi,

Santali Citrini

Rasura Unicornis &

E c.

Eboris āā ʒʒ.
Corticis citri exterioris sicci, &
Seminis Accetose, āā. ʒ iiij.
Fiat ex arte Pulvis, ex cuius ʒ iʒ potest confici *Electuarium solidum cum sacchari optimi aqua rosarum soluti & cocti lb*;
Caryophyllorum &
Croci āā. ʒʒ.
Foliorum auri purissimi N. xxv.

Methodus.

Cornu Vnicornu ex numero eorum est medicamentorum quæ licet mixti vnâ tantum partem constituent, totius tamen nomen gerunt: adeo vt cornu eligatur si quando vnicornu præscriptum fuerit.

Hoc animal a Grecis *Μονοκερας* vocatur, à Latinis Vnicornis: Authorum sententiæ admodum variæ sunt in huius Animalis descriptione: plerique censent corporis forma ad Equum accedere, ac gerere cornu in spiram contortum, plus aut minus longum, parte superna & antica capitis situm, figuræ admodum erectæ, cuius cuspis antrorsum vergat: Illorum tamen ne vnus eiusmodi animal a se visum afferit, neque etiam de illius loco natali verba vlla facit: Eapropter plurimi in dubium revocant num Vnicornis, cuius meminere Sacræ Scripturæ, animal fuerit illi simile de quo rerum naturalium Scriptores descriptionem tradidere, Equi figuram affingentes, ac num forte Sacræ Literæ Rhinocerotem audierint, cum meminere Bestiæ cui interpretes Vnicornis nomen indidero; quanquam figura erecta & contorta, colorque albus a Naturalium rerum scriptoribus Vnicorni assignata, in cornu Rhinocerotis desint, quod in spiras contortum non est, ab ipsa radice inflexum, mucrone sursum vergente, coloris obscuri, situm in parte infima & antica capitis.

Sed missa opinionum varietate, inter Scriptores celeberrimos rerum naturalium occurrente, ex mea sententia nequaquam in rerum natura extat Monoceros terrestris, cuiusmodi descriptum reperitur: Cornu vero illud album, durissimum & grave, intortum, intus cavum, longum vnâ vnâ interdum duas, in Medecina vsitatum, grandioris est *Piscis Maris Groenlandici*, ab Islandis Vocatum *NarWal*: Prodit id cornu ex media & antica parte maxillæ superioris grandis illius *Piscis*, quo in loco radix obtinet pedalem circiter longitudinem, ipsi cornu crassitie æqualem, Hoc cornu impugnat alios *Pisces*, quibus occidit maximos *pisces* imo *Cetaceos*; cornu tam valido impetu impingens vt etiam densissimam navem traicere possit: Cornua vasti Iunius *Piscis* olim admodum rara fuere, Animal vero, hoc instructum, plane ignotum, adeo vt ex nonnullorum sententia id quod in *Thesauro sancti Dionysii* visendum etiam hodie exhibetur vnicum fere prostaret; Ac piscatu

piscatu captus diversis temporibus hic Piscis, prædicta & putatitia cornua vulgaria magis reddidit in Anglia, Hollandia, Germania, Dania & aliis locis, sed ne evager, in meis ædibus vnum adservo longitudine & crassitie id superans quod in Thesauro Sancti Dionysij visitur.

Infrequentia huius cornu causa fuit præcipua quod in tanto pretio & commendatione olim habitum fuerit, illique vires omnino singulares assignatae sint, tum adversus venena, tum ad variolas, morbillos aliosque morbos epidemicos, Imo in magnatum gazophylaciis horum cornuum segmina auro inserta animadvertantur, in numero rerum maximi pretij habita, quibus dotes omnino inexhaustarum virium adscribuntur, quæ in liquores, quibus immergitur, transire queant in infinitum, non secus ac vis Reguli aut Vitri Antimonij: Et tamen vero Sal volatile, quo hoc cornu abundat, maximam partem effectuum ipsi assignatorum edere valeat; nec enim virtus semel in liquorem aliquem transfusa amplius superstes esse potest in cornu si illa exutum fuerit, non secus ac quæ in ebore, cornu cervino adest, (quorum partes ejusdem prope indolis sunt ac cornu monocerotis) quarrenda amplius non est in liquore quopiam illorum infusio aut decoctio facta fuerit, aut accedente præparatione aliquæ partes maxime essentielles ab illis exemptæ fuerint.

Doronicum, planta est a plerisque scriptoribus Botanicis descripta sub nomine *Aconiti Pardaltianches, plantaginis folio*: foliorum figura plantagini admodum simile est, sed magis flavescunt, floribus chrysanthemum referentia: Radix, hoc loco præscripta, nodosa est, & quasi capillata, saporis subdulcis, substantiæ viscidæ: Exitio est Leopardis, Lupis, Canibus & plerisque quadrupedibus, sed homini non nocet, quin potius illum vindicat a venenis si ab illis impetitus fuerit.

Hoc loco neque *Margaritarum* neque *Gemmarum* descriptionem traditurus sum, uti neque alia simplicia hunc Pulverem ingredientia allaturus: Id solum dixerò, in illius præparatione scilicet bina deradendum esse cornu Unicornis, & Ebur; Præparandas esse Margaritas omnesque gemmas, uti & Corallia ac Bolum Orientalem super porphyrite: Terendo, ac aqua rosacea humectando quousque omnino impalpabilia fiant, effingendos ex iis esse Trochiscos, in umbra exsiccandos: Conterenda esse in amplo mortario æneo rasuras cornu Monocerotis & Eboris, vna cum Santalo Citrino & Radicibus, quibus post hæc addenda sunt Cinnamonum & cortex Citri; siccus, demum Caryophylli & semen Oxalidis; Cuncta per incerniculum sericeum transmittenda esse: Crocum sicandum ac seorsim subtiliter terendum: deinde rite commixtis pulveribus omnibus cum Gemmis, Corallis, Bolo Armena, & Terra sigillata adiicienda esse folia Auri, sicuti supra dixi incisa, Pulverem ite-

Es 2.